

Disisen Elektrisiti Praes 2010

Kavman I gat konsen se praes blong elektrisiti long Vanuatu i hae tumas i mekem se URA i mas faenem ol wei blong mekem se praes blo elektrisiti long Vanuatu emi fea lo ol kastoma.

Faenol Disisen Blong URA

Afta wea URA i bin lukluk i go insaid lo praes blo elektrisiti wetem level blo sevis blo electricity lo Vanuatu emi kamap wetem tri disisen wea i save mekem se praes blo electriciti emi stret wetem level blo sevis blo electricity lo Vanuatu:

Niufala Praes blo Elektrisiti

Wetem niufala praes ya bai lukim praes blo elektrisiti blo fulap man Vanuatu igo daun lo mak blo **6.80%**

Niufala Wei blo Jajem Elektrisiti

Niufala wei blo jajem electriciti bae i mekem se bil blong olgeta Smol Domestik Kastoma (olgeta wea oli usum power wea ino bitim 60kwh blo wan manis) i save ko daon long mak blong **48%**

Niufala Wei blo Kamap Wetem Praes Everi Manis

Niufala wei blo kamap wetem praes blo elektrisiti ia evri manis i save mekem se pawa wea I kam out lo ol wind mill lo Devil's Point emi save mekem bill blo lait ikam daun.

Wei Blong Lukluk Long Praes Blo Eleksisiti

Ofis blong URA i bin lukluk i go insaid finis lo praes blo elektrisiti wea lokol kampani blo elektrisiti (UNELCO) nau I stap jajem lo ol kastoma blo em. I bin tekem URA 6 manis blo karem ol infomesen lo UNELCO mo tu lo ol nara pipol wea oli I stap insaed bigwan lo sekta blo elektrisiti lo Vanuatu.

UNELCO tu i bin help bigwan lo ol wok belong URA. Afta lo ol wok wea emi mekem lo praes blo elektrisiti, URA save talem se elektristi sevis wea UNELCO emi givim lo ol man Vanuatu emi wan kwaliti sevis.

Aksebtanj blong UNELCO

Wetem agrimen wea UNELCO mo Gavman blo Vanuatu i bin mekem blo letem UNELCO i kohed wetem elektrisiti sevis lo Vanuatu, UNELCO I mas agri wetem eni jenis lo praes blo elektrisiti bifo ol kastoma oli stat blo usum niufala praes ya. URA i wantem talem lo UNELCO se emi mas tingting strong lo ol gudfala samting wea niufala praes blo electricity I save mekem lo laif blo ol man Vanuatu. Wetem tingting ya emi mas kamap kwik taim wetem disisen blo em mo no mekem ol man Vanuatu oli wet longtaim tumas.

Sapos UNELCO ino agri wetem niufala praes blo elektrisiti, bai 'Arbitration' nau i mas sidaun blo kamap wetem faenol disisen.

Pablik Miting

I no long taem bae URA i holem pablik miting blong explenem tingting bihain lo niufala praes blo elektrisiti. Yu save faenem ol infomesen about niufala praes blo elektrisiti mo ol miting lo website ia www.ura.gov.vu



Hu ia hemi Utiliti Rekuletori Otoriti (URA)?

URA emi wok undanit lo URA ACT No. 11 blong 2007. URA emi wan idipenden bodi lo gavman. URA i stap blo lukautim sevis blo wota mo elektrisiti lo Vanuatu.

Stampa tingting bihain lo wok blo URA emi blo mekem sua se sevis blo elektrisiti mo wota emi safe, I stap lo wan level wea ino mekem se laif I had tumas mo blo mekem tu se praes blo wota mo elektrisiti I stap lo wan level wea I fea lo ol man Vanuatu.

Stampa tingting bihain blong niufala praes blo elektrisiti

Stampa tingting bihain lo Niufala praes blo elektrisiti emi blo lukaot lo ol intres blo UNELCO mo semtaim tu ol kastoma mo long Kavman.

Kastoma ino mas pem wan praes wea I no stret wetem level blo sevis wea UNELCO I stap givim

UNELCO i mas jajem wan praes wea inaf blo I save mekem se wok blo em I kohed mo sem taim i save mekem inaf profit nomo.

Kavman i wantem se invesmen lo elektrisiti i mas stap oltaim blo mekem se ekonomi blo Vanuatu i save grou mo develop.

Utilities Regulatory Authority

PMB 9093
Port Vila, Vanuatu.

Phone: (+678) 23335
Fax: (+678) 27426
E-mail: tmael@vanuatu.gov.vu
www.ura.gov.vu